



Primeira.- A Delegación de Cultura do Concello de Monforte de Lemos convoca o concurso do **desfile de comparsas e disfraces do martes de entroido** que se realizará dentro do programa de actividades do *Entroido* monfortino o día **1 de MARZO de 2022**.

Segunda.- As solicitudes de inscrición para a participación no concurso presentaranse no Rexistro Xeral do Concello de Monforte dende o día seguinte á súa publicación na páxina web do concello, sendo o derradeiro día de inscrición o 24 de febreiro ás 14:00 h. Todas aquelas solicitudes presentadas fóra deste prazo serán desestimadas calquera que sexa a causa do seu atraso.

Haberá que levar un número de identificación para que o xurado determine as clasificacións. Dito número deberá recollerse na Delegación de Cultura do Concello de Monforte de Lemos unha vez realizada a inscrición.

Terceira.- No **desfile de comparsas e disfraces do martes de entroido** haberá dúas modalidades:

- **Comparsas e disfraces de Monforte**
- **Disfraces e comparsas de fora de Monforte**

Cuarta.- Na modalidade de **Comparsas e disfraces de Monforte** haberá un primeiro, un segundo, un terceiro e un máximo de tres accésits por categoría.

Se o xurado o considera oportuno poderá conceder dous primeiros, dos segundos ou dous terceiros premios, sempre que a suma total dos premios concedidos no concurso do desfile do martes de Entroido non supere os 12.450,00 €, que se aplicarán con cargo a partida 334.480.05, sen prexuízo de que o importe dos premios sexa inferior.

Tamén haberá premios ás tres mellores carrozas, así como premios á mellor comparsa tradicional, ao mellor humor, á mellor música en vivo, á mellor posta en escena e á mellor crítica de actualidade.

Quinta.- Os premios das comparsas de fora de Monforte non poderán superar os 1.750,00 €, que se aplicarán con cargo a partida 334.480.05, sen prexuízo de que o importe dos premios sexa inferior.

Sexta.- PREMIOS

COMPARSAS E DISFRACES DE MONFORTE:

COMPARSAS

De máis de 90 compoñentes	Entre 51 e 90 compoñentes	Entre 25 e 50 compoñentes	Entre 4 e 24 compoñentes
1º 1.100,00 €	1º 500,00 €	1º 400,00 €	1º 250,00 €
2º 700,00 €	2º 350,00 €	2º 250,00 €	2º 200,00 €
3º 500,00 €	3º 200,00 €	3º 200,00 €	3º 150,00 €

INDIVIDUAL ADULTOS

De 1 a 3 compoñentes
1º 125,00 €
2º 100,00 €
3º 75,00 €

PREMIOS DE 125,00 € a:

- ✚ Mellor comparsa tradicional
- ✚ Mellor humor
- ✚ Mellor posta en escena
- ✚ Mellor música en vivo
- ✚ Mellor crítica de actualidade

PREMIOS ÁS CARROZAS

1º 400,00 €
2º 200,00 €
3º 150,00 €

ACCÉSITS

Comparsas	De máis de 90 compoñentes	250,00 €	Individual	Adulto	40,00 €
	De 51 a 90 compoñentes	130,00 €		Infantil	40,00 €
	De 25 a 50 compoñentes	100,00 €	Ás carrozas		70,00 €
	De 4 a 24 compoñentes	100,00 €			
	Infantís	40,00 €			

INDIVIDUAL INFANTIL de 1 a 3 compoñentes

1º 100,00 €
2º 75,00 €
3º 60,00 €

COMPARSAS INFANTÍS de 4 compoñentes en diante

1º 225,00 €
2º 130,00 €
3º 75,00 €

Os premios das categorías infantís serán en material didáctico ou deportivo.

COMPARSAS E DISFRACES DE FORA DE MONFORTE:

De 1 a 3 compoñentes	De 4 a 24 compoñentes	De máis de 25 compoñentes
1º 125,00 €	1º 250,00 €	1º 400,00 €
2º 100,00 €	2º 200,00 €	2º 250,00 €
3º 75,00 €	3º 150,00 €	3º 200,00 €

Os premios serán indivisíbeis e poderán quedar desertos algúns deles, segundo a decisión do xurado do concurso. En caso de empate decidirá o voto de calidade do presidente do xurado.

Sétima.- O xurado do concurso estará composto por:

PRESIDENTE: A Delegada de Cultura ou persoa á que designe.

VOGAIS: Persoas de diferentes ámbitos sociais, educativos e culturais de Monforte de Lemos.

SECRETARIO/A: O técnico de cultura do Concello de Monforte, con voz e sen voto, que certificará o cumprimento das condicións establecidas nas bases do concurso.

Oitava.- Criterios de valoración do xurado:

O xurado terá liberdade para establecer as súas cualificacións, sendo os criterios a valorar os seguintes: a montaxe, a elaboración e os materiais utilizados, a orixinalidade e o interese etnográfico, o humor, a posta en escena e a utilización de música en vivo.

Co fin de que sexan obxectivas as cualificacións do xurado, cada criterio enumerado terá unha valoración mínima do 10% e unha máxima dun 25% da total da puntuación.

Novena.- A inscrición no **concurso do desfile do martes de entroido** implica a autorización de todos os participantes inscritos na posible difusión dos documentos visuais recollidos na realización da actividade. Documentos a utilizar polo Concello na súa páxina web, na elaboración de carteis, en folletos informativos ou outras posibles edicións municipais.

Décima.- O desfile de comparsas e disfraces do martes de entroido comezará ás 17:00 h na praza da Estación. Percorrerá as rúas Calvo Sotelo, Roberto Baamonde, Cardeal Rodrigo de Castro e finalizará na praza da Compañía.

O xurado cualificará as comparsas na praza da Estación de 16:00 a 17:00 h. Os disfraces individuais concentraranse obrigatoriamente na praza da Estación ás 16:30 h, onde o xurado as identificará. Logo, tanto as comparsas como os disfraces serán cualificados por lugares indeterminados do percorrido.

O persoal de organización e o xurado do concurso quedan facultados para excluír do desfile ou cambiar o seu posto da orde a calquera elemento das comparsas que se considere perigoso (animais de todo tipo, petardos, bengalas...), co obxecto de garantir a seguridade dos demais participantes e do público asistente.

Décima primeira.- Os aboamentos dos premios serán tramitados polo Concello de Monforte de Lemos, a través dunha transferencia bancaria. Previamente será necesaria a presentación do certificado bancario cun número da conta do titular e xustificación nos termos sinalados nestas bases.

Non poderá realizarse o pagamento da subvención mentres o beneficiario non se atope ó corrente no cumprimento das súas obrigas tributarias ou coa seguridade social ou sexa debedor por resolución de procedencia de reintegro.

Décimo segunda.-A decisión do xurado farase pública mediante a lectura da acta ao remate da concentración. A participación no concurso supón a aceptación de todas e cada unha das bases. A decisión do xurado é inapelable.

Contra a resolución definitiva que esgota a vía administrativa, os interesados poderán interpor recurso potestativo de reposición perante a Xunta de Goberno Local no prazo dun mes, se o acto foi expreso ou de tres meses, ou ben directamente o recurso contencioso - administrativo, no prazo de dous meses, perante o Xulgado co Contencioso- Administrativo de Lugo.

Décimo terceira.- No non previsto nas presentes bases estarase ao disposto na ordenanza xeral reguladora da concesión de subvencións municipais e de xeito supletorio na Lei 38/2003 do 17 de novembro, Xeral de subvencións, no RD 887/2006 de 17 de novembro, polo que se aproba o Regulamento da Lei 38/2003, e na Lei 9/2007 do 13 de xuño de subvencións de Galicia.



Ordenanza xeral reguladora da concesión de subvencións municipais do Concello de Monforte de Lemos



Lei 38/2003, de 17 de novembro, Xeral de subvencións



Lei 38/2003, de 17 de novembro, Xeral de subvencións



Lei 9/2007, de 13 de xuño, de subvencións de Galicia